



Geagte SHS-Ouer/Voog & Schoonleerder

## **VRYWARINGSVORMS: LEERDERFOTO'S / -BEELDMATERIAAL/-VIDEO'S/-INLIGTING**

Hoërskool Schoonspruit se waardes van integriteit, respek en eerlikheid word altyd toegepas in die manier waarop ons leerders se inligting, foto's, video's en beelde hanteer en verwerk, hetsy vir skool- of bemarkingsdoeleindes van ons tradisionele skool.

Hierdie dokument word aan u gestuur om slegs u skriftelike toestemming te vra om voort te gaan met die manier waarop ons dit tans doen en u die versekering te gee dat die beskerming van ons leerders se persoonlike inligting en beelde vir Hoërskool Schoonspruit nog altyd 'n prioriteit was.

Ons benodig u skriftelike toestemming, sodat die skool voldoen aan die vereistes van die Wet op die **Beskerming van Persoonlike Inligting (POPIA)** wat op 1 Julie 2021 wetlik in werking getree het. Hoërskool Schoonspruit verbind hom tot die beskerming van persoonlike inligting en tot die nakoming van die wetgewing en regulasies.

Aangeheg is die vorms wat asseblief voltooi moet word. Ons vra u ondersteuning in hierdie verband en waardeer u samewerking.

Navrae kan gerig word aan [admin@schooniehs.co.za](mailto:admin@schooniehs.co.za).

Schoonspruit-groete.

---

**ANCA SWART**

**Hoof**

<b>VRYWARINGSVORM M.B.T. LEERDERFOTO'S /BEELDMATERIAAL/- VIDEO'S</b>
--

Ek, (skryf asseblief volle name in drukskrif) \_\_\_\_\_,

verleen hiermee toestemming aan Hoërskool Schoonspruit om foto's / beeldmateriaal / video's van die leerder hieronder te vertoon as deel van:

- 'n demonstrasie/projek/aktiwiteit in die loop van klaskameronderrig;
- 'n voorbeeldprojek/-aktiwiteit op 'n geheuestokkie/DVD/CD wat vir gebruik in opvoedkundige werksessies, klaskamers, advertensies, ensovoorts deur die skool geskep is;
- die skool se webblad, kommunikasie- en sosiale media-platforms (waaronder Facebook, Instagram, Tik Tok en Whatsapp);
- voorbeelde wat aan program / uitgewers gegee, of wedstryd-inskrywings wat by borge ingedien word;
- video-opnames vir 'n program in verband met die skool wat op 'n televisiestasie uitgesaai sal word; en of
- enige gedrukte publikasie, wat insluit, dog nie beperk is nie tot, koerante, tydskrifte, jaarboeke, ensovoorts.

Deur hierdie toestemming te verleen, begryp ek dat die skool die foto's / beeldmateriaal / video's van die leerder/s kan gebruik vir doeleindes soos om prestasies te vier en onderwysgeleenthede bekend te maak, soos wat die skoolbeheerliggaam en die skoolhoof goed dink, en dat sodanige gebruik die vertoning daarvan in die skoolfotogalery kan insluit.

Ek verstaan voorts dat hoewel die skool wat met foto's / beeldmateriaal / video's verbind word, geïdentifiseer sal word en volwassenes wat in foto's / beeldmateriaal / video's verskyn by die naam genoem mag word, geen persoonlike identifiseerbare inligting van die leerder/s buiten vir die naam/name van die leerder/s, saam met enige foto / beeld / video gebruik sal word nie.

Ek onderteken hierdie vrywaringsvorm in die wete dat enige foto's / beeldmateriaal / video's wat op die skool se webblad en sosiale media-platforms gepubliseer word, deur verskeie nuusorganisasies, waaronder gedrukte-, elektroniese- en uitsaaimedia bekom en gereproduseer kan word en daarom vrywaar ek die skool van enige aanspreeklikheid wat kan ontstaan uit die gebruik van foto's / beeldmateriaal / video's van die leerder/s in skoolwebpublikasies. Daarbenewens begryp ek dat wêreldwye toegang tot die internet dit onmoontlik maak om te beheer wie toegang tot die inligting verkry.

Ek verstaan ook dat indien ek hierdie ooreenkoms wil herroep, ek dit in enige stadium kan doen deur 'n brief aan die skoolhoof te stuur.

<b>Leerder naam en van:</b>	
<b>Graad/Klas:</b>	
<b>Ouer/voog naam en van:</b>	
<b>Adres:</b>	
<b>Dorp/Stad:</b>	
<b>Poskode:</b>	
<b>Telefoonnommer:</b>	

**Merk asseblief u antwoord hieronder:**

Ek stem in  Ek stem nie in nie

**Handtekening van ouer/voog:\*** \_\_\_\_\_

**Handtekening van leerder** \_\_\_\_\_

**Datum:** \_\_\_\_\_

\*Leerders van 18 jaar of ouer mag hierdie vrywaringsvorm self onderteken.

<b>TOESTEMMINGSVORM INGEVOLGE DIE WET OP BESKERMING VAN PERSOONLIKE INLIGTING 4 VAN 2013 (POPI)</b>
---

### **Toestemming om persoonlike inligting te gebruik**

- Deur toe te stem tot die bepalings van hierdie inligtingsvorm, magtig u (volle naam in drukskrif), \_\_\_\_\_, hiermee Hoërskool Schoonspruit vrywillig om u persoonlike inligting sowel as dié van die leerder \_\_\_\_\_ te verwerk, (met inbegrip van die name, straatadres, telefoonnommers en enige ander inligting wat u aan die skool verstrek).
- Verwerking sluit in die ontvangs, optekening, organisering, insortering, stoor, bywerking of aanpassing, herwinning, wysiging, raadpleging en gebruik; die verspreiding by wyse van oorsending, uitreiking of beskikbaarstelling in enige ander vorm, of die samesmelting, koppeling sowel as inperking, degradasie, uitwissing of vernietiging van inligting.
- Hierdie toestemming is onmiddellik van krag en sal van krag bly totdat een van die voorwaardes ingevolge paragraaf 8 van die Beleid oor die Beskerming van Persoonlike inligting nagekom is.
- Die persoonlike inligting mag slegs verwerk word, indien dit voldoende, tersaaklik en binne perke is in die lig van die doel waarvoor dit verwerk word, en indien verwerking ooreenkomstig die betrokke bepalings van POPI geskied. Die doel van die verwerking van inligting moet met 'n werkzaamheid of aktiwiteit van die skool verband hou.
- Daarbenewens neem u hiermee kennis dat Hoërskool Schoonspruit persoonlike inligting met betrekking tot die behoorlike funksionering, bestuur en beheer van die skool insamel en verwerk, soos wat die Suid-Afrikaanse Skolewet /7 van 1996 en ander tersaaklike onderwyswetgewing en –beleide voorskryf.
- Die tipe inligting sal afhang van die doel waarvoor dit ingesamel word en sal ook slegs vir daardie doel verwerk word.
- Ingevolge artikel 11 van POPI kan persoonlike inligting slegs in die volgende omstandighede verwerk word:
  - Indien die datasubjek, of 'n bevoegde persoon ingeval die datasubjek 'n kind is, tot verwerking toestem.
  - Indien verwerking noodsaaklik is vir die uitvoering van handeling met die oog op die sluiting of nakoming van 'n kontrak waarin die datasubjek 'n party is.
  - Indien verwerking voldoen aan 'n plig wat die skool volgens wet opgelê word.
  - Indien verwerking 'n regmatige belang van die datasubjek beskerm.
  - Indien verwerking noodsaaklik is vir die uitoefening van 'n openbare regsplig.
  - Indien verwerking noodsaaklik is om in die skool se regmatige belang op te tree.

## **U regte ingevolge hierdie toestemming**

U het die volgende regte:

- Die reg om te weet watter inligting gehou word, hoe dit gebruik word en wanneer die skool dit sal bekend maak. Al voormelde inligting word vervat in ons Beleid oor die Beskerming van Persoonlike Inligting en ons Privaatheidsbeleid, wat beskikbaar is en bekom kan word by ons kantore.
- Die reg om u besonderhede reg te stel. Die skool sal u inligting bygewerk probeer hou. Indien enige van u besonderhede egter verander, stel ons asseblief in kennis sodat ons rekords so akkuraat moontlik kan wees.
- Die reg om u toestemming terug te trek. U mag die toestemming wat u ons ingevolge hierdie vorm gee in enige stadium terugtrek. U terugtrekking moet op skrif geskied en aan die inligtingsbeampte van die skool gerig word. Teruggetrekte toestemming is nie terugwerkend van krag nie en sal dus nie enige vorige of bestaande gebruik van u inligting raak nie.

## **Toestemming om bemarkingsinligting te ontvang**

Deur tot die bepalings van hierdie toestemmingsvorm in te stem, gee u uitdruklik toestemming dat u inligting vir bemarkingsdoeleindes verwerk word, en verstaan u dat deur toestemming te gee, u bemarkingsmateriaal in die vorm van SMS'e, e-posse en dies meer van die skool kan ontvang.

## **Toestemming om persoonlike inligting op radiostasies, televisieprogramme en sosiale media beskikbaar te maak**

Deur tot die bepalings van hierdie toestemmingsvorm in te stem, gee u uitdruklik toestemming dat u persoonlike inligting sowel as dié van die leerder gebruik mag word vir:

- Radio- of televisie-opnames en –programme wat oor, by of in verband met die skool opgeneem en uitgesaai word. Dit sluit ook in enige opnames van sport- of kulturele byeenkomste wat op 'n radio- of televisiestasie of ander vorm van uitsaaipatform, insluitend die internet of toepassings, uitgesaai mag word.
- Die skool se webblad, kommunikasie-en sosiale media-platforms (waaronder Facebook, Instagram en Whatsapp) vir doeleindes soos om prestasies te vier en onderwysgeleenthede bekend te maak, soos wat die skoolbeheerliggaam en die skoolhoof mag goeddink.
- Voorbeelde wat aan programuitgewers gegee, of wedstryd-inskrywings wat by borge ingedien word;
- Enige gedrukte publikasie, wat insluit, dog nie beperk is nie tot, koerante, tydskrifte, jaarboeke, ensovoorts.

<b>Leerder naam en van:</b>	
<b>Graad/Klas:</b>	
<b>Ouer/voog naam en van:</b>	
<b>Adres:</b>	
<b>Dorp/Stad:</b>	
<b>Poskode:</b>	
<b>Telefoonnommer:</b>	

**Merk asseblief u antwoord hieronder:**

Ek stem in  Ek stem nie in nie

**Handtekening van ouer/voog:\*** \_\_\_\_\_

**Handtekening van leerder** \_\_\_\_\_

**Datum:** \_\_\_\_\_

\*Leerders van 18 jaar of ouer mag hierdie vrywaringsvorm self onderteken.

